山庫全幸

史部

欽定四庫

全書宋史卷三百八十六至

詳校官編修臣曹錫幹 洗馬臣王坦修覆勘 覆校官編修臣沈清藻

校對官中書臣高 謄録監生臣李光 垣 中

欠り三甲人子言 失火守汪藻走視之諸 州觀察推官服勤職業 不妄言笑父死執丧如 平次膺 托克托等修

命 未上而檜死乃以校書郎召孝宗時為普安郡王高宗 察其不附已以為南外睦宗院教授尋添通判南劍州 自 詰 掾屬方飲果所俊卿與卒亦假之行於是例以後至被 同僚之行又資其僕安得為無過時公方盛怒其思幸 俊卿唯唯稱謝已而知其實問故俊卿曰某不能止 擇端厚靜重者輔導之除著作佐郎兼王府教授講 解重人之罪乎藻歎服以為不可及我滿秦檜當國 軟寓規戒正色特立王好鞠 截因誦韓愈諫張建封 ί 卷三百八

てこうこう 而仲通獨全劉寶總戎京口恣語起且拒命不分戊二 軼之勢已形俊卿乃疏言張浚忠蓋白首不渝竊聞護 御下之道恩威並施抑騎将作士氣則紀綱正而號令 書以諷王敬納之累遷監察御史殿中侍御史首言人 人遂抵罪湯思退專政俊卿言冬日無雲而雷宰相上 行矣遂劾韓仲通本以獄事附槍冤陷無辜槍黨盡逐 主以兼聽為美必本至公人臣以不敗為忠必達大體 不當天心下不厭人望詔罷思退時災異數見金人侵 宋史

議俊卿奏和戎本非得已若以得故疆為實利得之 言之上始悟數月以後守建康又言內侍張去為陰沮 言其陰有異志夫浚之得人心伏士論為其忠義有素 屯田所過安解流亡金主聚新立申舊好廷臣多附 軍李寶因之遂有膠西之提亮死詔俊卿治淮東堡岩 金ケセなること 之勇除權兵部侍郎金主亮渡淮俊卿受詔整浙西水 反是則人将去之誰復與為變乎疏入未報因請對力 用兵且陳避敵計搖成算請按軍法上曰卿可謂仁者 卷三百八十三

必能守是亦虚文而已令不若先正名名正則國威彊 略者為參佐俾祭軍政習或務以儲将材孝宗受禪言 歲幣可損因陳選将練兵屯田減租之策擇文臣有膽 官兼權建康府事奏曰吳璘孤軍深入敵悉眾拒戰久 屬張浚以俊卿忠義沉靖有謀以本職充江淮宣無判 願留聖意選中書舍入時孝宗志在與復方以聞外事 為國之要有三用人賞功罰罪所以行之者至公而已 火三日子二三 不決危道也兩准事勢已急盡分遣舟師直轉山東彼 家史

必還師自救而璘得乘勝定關中我及其未至潰其腹 とうじん へこ 州主和議者幸其敢横議搖之淡上疏待罪俊卿亦乞 謀報敵聚糧邊地諸将以為秋必至宜先其未動舉兵 侍郎參贊軍事張浚初謀大舉北伐俊卿以為未可會 宗之法蠲無名之賦隆興初元建都督府俊卿除禮部 奏陳十事定規模振紀綱勵風俗明賞罰重名器遵祖 心此不世之功也會主和議方堅詔璘班師亦召俊卿 浚乃請于朝出師已而邵宏淵果以兵潰俊卿退保揚 老三百八十

处已四年全等 州請祠提舉太平與國宮思退既寬太學諸生伏闕 使治揚州俊卿奏浚果不可用别屬賢将若欲責其後 自効疏再上上悟即命沒都督且召為相卒為思退牆 奏請臺諫沮之人情解體尚何後郊之圖議者但知惡 從坐詔貶兩秩諫臣尹牆附思退議罷沒都督改宣撫 所擠遣視師江淮俊卿累章請罪以實文閣待制知泉 後而欲殺之不復為宗社計願下部戒中外協濟使沒 効降官示罰古法也令削都督重權真揚州死地 如有 宋史

守上首肯端禮憾之知建康府逾年授吏部尚書時上 告俊卿已即相當引共政深拒不聽翌日進讀寶訓適 未能屏鞠截将游獵白石俊卿引漢桓靈唐敬穆及司 及外戚因言本朝家法外戚不預政有深意陛下宜謹 為參政窺相位甚急館閣之士上疏斥之端禮遣客密 乞召俊卿竟道元年入對上勞無之因極論朋黨之弊 小有過當容之邪佞者甚有才當察之錢端禮起戚里 除吏部侍郎同修國史論人才當以氣節為主氣節者 卷三百八十三

よう よく モッ ん

<u>ن</u>ـ

欠字可具之言 快金移文邊吏取前所俘俊卿請報以誓書云俘虜叛 除其官信乎結所從邁以淵觀告具以邁語質於上上 曰朕曷嘗謀及此輩必竊聽得之有古出淵觀中外 淵納謁亦謝不接洪邁白俊卿人言鄭聞除右史某當 頗出其門及俊卿館伴大淵副之公見外不交一語大 同 矣朕在藩邸知卿為忠臣俊卿拜謝受的館金使遂拜 馬相如之言力以為戒上喜曰備見忠讓朕決意用卿 知樞密院事時曾觀龍大淵怙舊思竊威福士大夫 宋史 Д

帝王之大而骨屑有司之細恐為有識所窺從官梁克 事時四明獻銀鑛将召冶工即禁中鍛之俊卿奏不務 雷上内出手韶戒飭大臣葉颙魏把坐罷俊卿參知政 金グレノとこ 方以内侍陳瑶李宗回付大理究贓状十一月當郊而 國俘虜亡處數萬本朝未當以為言恐壞和議使兩境 刻削軍士俊卿奏內臣中有主方者當併懲之即詔罷 民不安或至交兵則屈直勝負有在矣鎮江軍帥戚方 亡是兩事俘虜發已多叛亡不應遣且本朝兩淮民上 卷三百八十三

次定四軍人三百 西 官乃其職教官有才何預琪事會揚州奏琪傳旨增築 准城壁還為和州教授劉甄夫得召俊卿言其為兵将 俊卿曰自出此兩人中外莫不稱頌令復召必大失天 計於是政事稍歸中書矣龍大淵死上憐曾觀欲召之 家莫濟俱求補外後卿奏二人皆賢其去可惜於是效 下望臣請先罷遂不召殿前指揮使王琪被肯按視兩 奏洪邁姦險讒伎不宜在左右罷之減福建鈔鹽罷江 和雅廣西折米鹽錢蠲諸道宿逋金穀錢帛以巨萬 宋史

古非小故奏言人主萬幾豈能盡防附所恃者紀綱號 城已記事後卿請於上未當有是命後卿曰若詐傳 令之大如三衙發兵户部取財宣為官禁細微事臣等 今百司承御筆處分事須奏審方行從之既而以內諸 古直下諸軍宰相多不預聞內官張方事覺俊卿奏自 曰禁中取一飲一食必待申審豈不留滯臣所處者命 令賞罰耳不誅琪何所不為琪削我罷官先是禁中密 オードノレ 不樂以前命俊卿言張方王琪事聖斷已明勿諭臣 7 4 4 卷三百八十三

たアンコシー ハナヨ 此大臣皆阿順持禄非國家福上色悔久之命共帥 來納諫諍體大臣皆盛德事令珠以小事獲罪臣恐自 以為有罪臣當先罷珠之除命未敢奉治陛下即位以 學士奉外祠俊卿即藏去密具奏即日奏割臣實草定 備數出內陛下命令耳凡奏審欲取決陛下非臣欲專 院事劉珠進對爭辨激切忤古既退手詔除珠端明殿 疑似激聖怒上曰朕豈以小人言疑卿等耶同知樞密 之且非新條申舊制耳已行復収中外惶惑恐小人以 氽史

使至則以為右相俊卿為左相允文建議遣使金以陵 奔競或才可用資歷淺密為於上未當語人每接朝士 寝為請俊卿面陳復手疏以為未可上御弧矢短激致 密使俊卿以用人為已任所除吏皆一時選與廉退抑 及牧守自遠至必問以時政得失人才賢否虞允文宣 西俊卿退自劾上手礼留之且曰卿雖百請朕必不從 四年十月制授尚書右僕射同中書門下平章事兼極 四川俊卿為其才堪相五年正月上召充文為極密

7:1:1:

卷三百八十三

文己马号上全 繁馬願以今日之事永為後戒曾觀官滿當代俊卿預 待區區騎射於百步間哉陛下一身宗社生靈之休成 事以閱武備激士氣耳願陛下任智謀明賞罰恢信義 則英聲義烈不越尊俎固已震恨敵人於萬里之遠豈 勤恭儉清静寡欲前代英主所不能免者皆屏絕顧於 騎射之末猶未能忘臣知非樂此志圖恢復故俯而從 語籍籍旨輔相無状不能先事開陳虧損聖德陛下憂 目告六月始御便殿俊卿疏曰陛下經月不御外朝口 宋史

鄉允文而俊卿亦數求去明年允文復申陵寝之議上 直可為執政上初然之後竟出應辰守平江自是上意 允文亦愧猶為之請俊卿竟不與說深憾之吏部尚書 請於允文得之俊卿聞敕已出語吏留之說皇恐來謝 去樞密承音張説為親戚求官憚俊卿不敢言會在告 汪應辰與允文議事不合求去俊卿數奏應辰剛毅正 此陛下去二人公論甚個願捐私思伸公議觀快快而 請處以浙東總管上曰觀意似不欲為此官俊卿曰前 卷三百八十

俊卿至福州政尚寬厚嚴於治盗海道晏清以功進秋 得要領自觀亦召還建節鐵踏保傳而士大夫莫敢言 「駕豈不知激品仰贊聖誤然於大事欲計其萬全矣 へつしず ヨーム・す 轉運判官陳峴建議改行鈔鹽法俊卿移書宰執極言 親賢修政攘敵泛使未可輕遣既去允文卒遣使終不 杜 手礼諭俊卿俊卿奏陛下痛念祖宗思復故疆臣雖疲 二年間吾之事力稍充乃可不敢迎合意指誤國事即 - 門請去以觀文殿大學士帥福州陛辭猶勸上遠传 宋史

奏曰去國十年見都城穀賤人安惟士大夫風俗大變 上曰何也俊卿曰向士大夫奔顫抃之門十幾一二尚 賄得曾觀王抃招權納賄進人皆以中批行之贓吏已 命坐賜茶因從容言曰将帥當由公選臣聞諸将多以 章告歸除特進起判建康府無江東安撫召對垂拱殿 歸第敝屋數楹怡然不介意淳熙二年再命知福州累 福建鹽法與淮浙異遂不果行明年請祠提舉洞霄宫 結 勘而內批改正将何所勘懲上曰卿言甚當朝解 卷三百八十三

金ラロアノニー

アクシロミーとはあり 俊卿去建康干五年父老喜其再來為政寬簡罷無名 上手礼與諭除少保判建康府如故八上章告老以少 臺諫多出其門母敢為陛下言臣恐壞朝廷紀網察有 畏人知今則公然趨附已七八不復顧忌矣人材進退 司法度敗天下風俗累陛下聖徳命二府飲餞浙江亭 朕多抑之自今不復從矣俊卿曰此曹聲勢既長侍從 由私門大非朝廷美事上曰抃則不敢覿雖時或有請 一賦時御前多行白割用左右私人持送俊卿奏非便 宋史

往哭之又狀其行有集二十卷子五人必有志于學終 汪應辰李壽光敬朱熹屢當論薦其薨也意不遠千里 正斥權勢無顧避凡所奏請關治亂安危之大者雅善 情容平居怕怕若不能言而在朝廷正色危論分别邪 賜諡正獻俊卿孝友忠敬得於天資清嚴好禮終日 書示諸子云遺表止謝聖恩勿祈恩澤及功德勿請 樹碑上聞嗟悼報視朝贈太保命本路轉運司給葬事 師魏國公致仕十三年十一月薨年七十四方屬疾手 ノレノ 卷三百八十三 無 謐

アスショラ ことす 權知黎州渠州秦檜當國蜀士多屏棄檜死高宗欲収 忍離左右父死紹興二十三年始登進士第通判彭州 用之中書舍人趙達首薦允文召對謂人君必畏天必 墓有枯桑兩鳥來巢念父之鰥且疾七年不調跬步不 屬文以父任入官丁母憂哀致骨立既葬朝夕哭墓側 太常博士潼川路轉運判官允文六歲誦九經七歲能 虞允文字彬甫隆州仁壽人父祺登政和進士第仕至 承奉郎朱熹為銘其基宓自有傳 宋史 1

願記大臣豫思備禦時三十年正月也十月借工部尚 歸亮賦詩情益露允文上疏言金必敗盟兵出有五道 敵恭順和好湯思退再拜賀置邊備不問及全使施宜 及累遷禮部即官金主亮修汴已有南侵意王倫還言 重致遠且極論四川財賦科納之弊上嘉納之除秘書 以言語進必點其巧偽以政事進必去其苛刻庶可任 安民必法祖宗又論士風之弊以文章進必抑其輕浮 頗泄敵情張素密奏之亮又隱畫工圖臨安湖 卷三百八十三

金にロルノンで

管軍以官寺充承受允文言自古人主大權不移於姦 地索将相大臣議事於是召三衙大将趙密等議舉兵 來三衙交結中官宣和明受嚴鑒未遠上大悟立罷之 臣則落於近倖秦槍盗權十有八年檜死權歸陛下過 運糧造舟者多辭歸亮曰我将看花洛陽允文還奏所 書充賀正使與館伴賓射一發破的衆驚異之允文見 見及亮語申言淮海之備除中書舍人直學士院三衙 ている しい 金使王全高景山來賀生辰口傳亮悖慢語欲得淮南

成其出准姦謀爾不聽卒遣関七月金主亮徒汴允文 於後若出淮西則池之軍出巢縣江州軍出無為可為 禦襄漢上流允文曰兵來不除道敵為虚聲以分我兵 淮西援是一軍而兩用之康伯然其說而関軍竟屯武 復語康伯関軍約程在江池宜令到池者駐池到江者 守直問戰當如何遣成関為京湖制置使将禁衛五萬 侍從臺諫集議宰臣陳康伯傳上古今日更不問和與 金母也是生 江若敵兵出上流則荆湖之軍捏於前江池之軍援 卷三百八十三

征是月戊午樞臣葉義問督江淮軍允文參謀軍事權 顯忠代權錡權皆召義問被旨命允文往無湖趣顯忠 廬州錡亦回揚州中外震恐上欲航海陳康伯力贊親 昌九月金主命李通為大都督造浮梁于淮水上金主 主率大軍臨采石而別以兵爭瓜洲朝命成閔代錡李 又自和州通歸鉤回鎮江盡失兩淮矣十一月壬申金 渡淮先是劉錡措置淮東王權措置淮西至是權首棄 自将兵號百萬檀帳相望鉦皷之聲不絕十月自渦口 7 村 1

壞之公任其各乎允文叱之曰危及社稷吾将安避至 亮路坐其下謀者言前一日刑白黑馬祭天與衆盟以 今既有主請死戰或曰公受命犒師不受命督戰他人 交權軍且傷師采石時權軍猶在采石两子允文至采 江濱見江北已築高臺對植絳旗二繡旗二中建黃屋 石權已去顯忠未來敵騎充斥我師三五星散解較束 甲坐道旁皆權敗兵也允文謂坐待顯忠則誤國事遂 招諸将勉以忠義日金帛告命皆在此待有功衆曰

金定四年全言

巻三百八十三

てこり見こう 略聞四方立陣後則兒女子爾俊即揮雙刀出士殊死 艘直薄宋軍軍小部元文入陣中撫時俊之背曰汝膽 藏精兵待戰其二藏小港備不測部分甫畢敵已大呼 陣不動分戈船為五其二並東西岸而行其一 明日濟江晨炊玉麟堂先濟者予黄金一兩時敵兵實 戰中流官軍亦以海鮪船衝敵丹皆平沉敵半死半 亮操小紅旗麾數百艘絕江而來瞬息抵南岸者七十 四十萬馬倍之宋軍緩一萬八千允文乃命諸将列大 古四 駐中流

餘人敵兵不死于江者亮悉敲殺之怒其不出江也以 **語來諭王權似有宿約允文曰此反間也仍復書言權** 之復大戰焚其舟三百始道去再以提聞既而敵遣偽 捷聞楊将士謂之曰敵今敗明必復來夜半部分諸将 轉出敵疑援兵至始遁义命勁号尾擊追射大敗之僵 分海州絕上流別遣兵截揚林口丁五敵果至因夾擊 金八 正屋人三章 日暮未退會有潰軍自光州至允文授以旗鼓從山後 凡四千餘殺萬户二人停千户五人及生女真五百

臣教亮濟江者也顯忠至自蕪湖允文語之曰敵入楊 怒遂枝龍鳳車斬梁漢臣及造舟者二人乃趨瓜洲漢 ているうしいう 緩六飛之發甲中至京口敵屯重兵除河造三肺儲水 於瓜州令我精兵聚京口持重待之可一戰而勝乞少 所部來會允文還建康即上疏言敵敗於采石将徽幸 顯忠分李捧軍萬六千往京口葉義問亦命楊存中将 州必與瓜洲兵合京口無備我當往公能分兵相助乎 已真典憲新将李世輔也願一 宋史 戰以決雌雄亮得書大

鐵改修馬船為戰艦且借之平江命張深守除河口 金りしたノニー 奏南軍有備不可輕願駐揚州徐圖進取亮怒欲斬之 風則使戰船無風則使戰艦数少恐不足用遂聚材治 深數尺塞瓜洲口時楊存中成関邵宏淵諸軍皆聚京 口不下二十萬惟海鮪船不滿百戈船半之允文謂 如飛敵持滿以待相 中臨江按試命戰士踏車船中流上下三周金山回 江之衝以苗定駐下蜀為援庚寅亮至瓜州九文與 顧販愣亮笑曰紙船耳一 卷三百八十 <u>ٔ</u> ج 将跪 扼 遇

てこりら とます 陣恒以自衛衆患之有蕭遮巴者給之曰淮東子女玉 三十里遣使議和已亥奏聞召入對上慰籍嘉歎謂陳 與南宋通和歸鄉則生矣聚曰諸亮有紫革細軍不臨 選揚州召諸将約三日濟江否則盡殺之諸将謀曰進 聞李寶由海道入膠西成閱諸軍方順流而下亮愈怒 有渰殺之禍退有敵殺之憂奈何有萬戴者曰殺郎主 帛皆聚海陵且嗾使往細軍去而亮死丙申敵人退屯 哀謝良久杖之五十乙未亮為其下所殺初亮在瓜洲 宋史

使陛解言金亮既誅新主初立彼國方亂天相我恢復 两淮措置允文至鎮江奏収两淮三策不報明年正月 爭陝西新復州郡蜀士欲棄之允文持不可孝宗受禪 與大将吳璘議經略中原璘進取鳳翔復翠州金治兵 使允文副之給舍繳存中除命於是允文充川陝宣諭 上至建康尋議回鑾韶以楊存中充江淮判襄路宣撫 俊卿曰虞允文公忠出天性朕之裴度也韶免扈從往 和則海內氣沮戰則海內氣伸上以為然允文至蜀

金げてんだんいる

卷三百八十三

回也上将召允文問陝西事執政是其來以顯誤閣直 重前後凡十五疏且移書陳康伯康伯牽於同列不能 言恢復莫先於陝西陝西五路新復州縣又係於徳順 盡棄陝西臺諫袁季任古附和其說允文再上疏大略 たでつうしへか 之存亡一旦棄之則窺蜀之路愈多西和階成利害至 文爭之不得吳璘遂歸河池蓋用參知政事史浩議欲 過德順且欲用忠義人守新復州郡官軍退守蜀口允 朝臣有言西事者謂官軍進討東不可過實雞北不可 宋史

置使時朝廷遣盧仲賢使金議和湯思退又欲棄唐鄭 待制知太平州尋除兵部尚書湖北京西宣撫使改制 狼心之未已允文入對言今日有八可戰上問及棄地 棄地及拜相亟行之且親為詔有曰棄雞肋之無多免 學士知夔州尋又命奏事隆興元年入對史浩既素主 金ガモノと言い 思退怒即奏曰此皆以利害不切於已大言誤國以邀 海泗手韶謂唐鄧非險要可真度外允文五上疏力爭 允文以笏畫地陳其利害上曰此史活誤朕以數文閣 卷三百八十三 次定四軍人生 宏玉帶事連允文為御史章服所論罷政奉祠西歸三 偃蹇不敬允文請斬之廷有異論不果會錢端禮受李 文堪大用除端明殿學士同簽書樞密院事乾道元年 拜祭知政事兼知樞密院事是秋金遣完顏仲有所議 實欲去之也允文上印猶以四州不可棄為請乞致仕 美名宗社大事豈同戲劇上意遂定思退陽請召允文 年金兵復至思退貶上悔不用允文言陳俊卿亦薦允 詔以顯謨閣學士知平江府思退竟決和議割唐鄧二 宋史

又往沔陽九月至益昌先被手韶戒九事泊至蜀悉奉 賢臣頌上又為之製跋陛解復以所御雙履及甲胄賜 歸蜀一 馬過郢奏築黃鷹山城過襄陽奏修府城八月至漢中 擇代上諭允文曰吳璘既卒汪應辰恐不習軍事無以 年二月召至闕除知樞密院事兼參知政事吳璘卒議 易卿凡事不宜效張浚迁闊軍前事卿一一親臨之即 拜資政殿大學士四川宣撫使尋詔依舊知樞密院事 月召至闕不數月復使蜀太上賜御書聖主得 卷三百八十三 欠足四華全 等 四百萬汰去兵有勞續者置員闕處之興洋義士民兵 遮巴以刷軍中人為言允文曾奏諭三衙撫存之至是 馬政付張松奏依舊制分茶馬為川泰司初在樞府蕭 死亡界盡命利的晁公武數實得二萬三千九百餘人 備戰中下備輜重老者少者不預汰兵凡萬人減緡錢 也紹與初以七萬計大散之戰將不授甲驅之先官軍 又得陝西弓箭手法參紹與制為一書俾将吏守之以 而行尤以軍政為急又奏閱實諸軍第其壮怯為三上 宋史 九九

如胡銓周必大王十朋趙汝愚晁公武李素其尤章明 為三等有所見聞即記之號材館録凡所舉上皆以用 密使允文多薦知名士如洪适汪應辰及為相籍人才 萬卻之五年八月拜右僕射同中書門下平章事兼極 祖結外審以圖金人又得蕃僧六彪者偕往竟無成說 田俾咸振業欲給敵将姜挺白沂遵御礼募輩入王嗣 金洋與元歸正人二萬遮道訴緊線之苦允文分給官 **叩蜀十四郡告饑荒政凡六十五事劍倅獻羨錢五** 卷三百八十三

然允文此不動敵卒無他自注文太子薨儲位未定允 懲亮決不輕動不過以虚聲撼我耳遂奏止之朝論紛 陵寝來歸中外沟沟荆襄将的皆請增戍允文謂金方 者也上以兵冗財置為憂允文與陳俊卿議革三衙雜 てアンコランテ 上意上震怒甚後卿待命浙江亭兩日不報允文請對 役汰冗籍三軍無怨言六年陳俊卿以奏留龔茂良忤 祈請使為陵寝故金不從且謀報欲以三十萬騎奉遷 極論體貌之道疊拜楊前遂命判福州韶以范成大為

墨評去允文奏留之經筵鈴属朱熹上問允文識裏否 節度使判寧國府皇太子尋尹臨安侍衛馬軍司牧地 文上疏且屢懸陳七年正月上兩宫尊號議始定下記 金らでたノニー 抑上書人允文力言不可從之會慶節金使為林谷天 允文謂熹不在程頭下遂召熹熹不至檢鼓院以六條 皇第三子恭王惇立為皇太子皇子愷以雄武保寧軍 用騎過江便三軍有怨語其後言者以此為言胡銓以 舊在臨安允文謂地被不利獨收請令就收鎮江緩急 卷三百八十三

ラスアンコミニニチョ 管舉克家自代上不許是月以病乞解機政又薦克家 靖重有宰相器至是始同相手詔付允文曰朕方欲武 臣為極密曹勛如何允文謂勛人品卑凡不可用既而 授允文特進左丞相兼樞密使梁克家為右丞相允文 使慚而退上以僕射名不正改為左右丞相八年二月 且諭之曰大駕既與難再御殿使人來且隨班上壽金 錫入見金主壻也驕侶甚固請上降榻問金主起居上 不許天錫跪不起侍臣錯愕失措允文請大駕還禁中 宋史

以張說簽書樞密院事右正言王希吕與臺官交劾之 上怒希召甚手詔與遠惡監當允文繳回上益怒深克 金と、セアとうこと 其去上為出之敏且書扇製詩以留之允文言之敏端 解卒薄希吕之罰四月御史蕭之敏劾允文允文上章 家曰希吕論張說臺綱也左相救希吕國體也上怒稍 待罪上過德壽宮太上曰采石之功之敏在何許母聽 記上命選諫官允文以李彦類林光朝王質對三人皆 方請召歸以闢言路上謂其言寬厚命曹懷書之時政 卷三百八十三 たいり ショラ 家允文捐宣司錢三十萬易米計口增給立户馬七條 家廟祭器九年至蜀大軍月給米一石五斗不足瞻其 諭以進取之方期以其日會河南允文言異時戒內外 賜第擢諫議大夫允文克家爭之不從允文力求去授 而卵運回即柳負朕上御正衙酌酒賦詩以遣之且賜 少保武安軍節度使四川宣撫使進封雍國公陸解上 不相應上曰若西師出而朕遲回即朕負卿若朕已動 **鯁亮又以文學推重於時故薦之久不報曾觀薦一** 宋史

宗富庶不如漢文景故允文許上以恢復使蜀一歲無 進兵期上賜密詔趣之允文言軍需未備上不樂淳熙 衙奏聞允文上疏自辨因請納禄不報上嘗謂允文曰 允文不報羈縻之而已既而隣謀覺金密遣人捕之禁 數萬在商號問允文東政日納款追至蜀復遣人致書 括民馬奏選良家子以借戰用初北界有寇隣者擁東 丙午之肚當與丞相共雪之又曰朕惟功業不如唐太 元年薨後四年上幸白石大閱見軍皆少壮謂輔臣曰 卷三百八十三

金ケロだる言

アスコラーニナー 刑獄 望而知為任重之器早以文學致身臺閣晚際時艱出 雄偉長六尺四寸慷慨磊落有大志而言動有則度人 卷內外志十五卷行于世子三人公亮公著杭孫孫八 藏于家有詩文十卷經筵春秋講義三卷奏議二十二 入将相垂二十年孜孜忠勤無二馬曾注唐書五代史 虞允文行沙汰之効也尋韶贈太傅賜諡忠肅允文姿 人皆好修唯剛簡最知名嘉定中召不至終利路提點 宋史 二十二

俟賊平而後行乃募鄉兵習殭弩賊至與之夾水而陣 建州除審計司餘黨范黑龍破隣邑関帥張守檄次膺 器械院險阻號令不煩邑民便之數月韓世忠破賊復 宰相吕頤浩以次曆宰浦城遏賊衝比至寇黨熊志寧 為單父丞值山東亂舉室南渡屬閩冠范汝為陷建州 徒俊慧力學日誦千言甫冠登政和二年進士第歷官 辛次曆字起季菜州入幼孤從母依外氏王聖美於丹 金与口屋 已焚其邑於是披荆棘坐瓦礫中安輯吏民料丁壮治 1.1.7 アマション 日野 言校世之弊上稱善較以所奏榜朝堂握右正言奏願 遷吏部郎湖北運判中途召還見高宗于建康行宫首 從巡江左飢寒殞仆願加存拊可以堅中原復后之心 薦召對奏用人貴於務實施令在於必行遷駕部願敕 近習久則干政願杜其漸兵連不解十年于兹一歲用 閱兵将親簡技攬恩威之柄使人人知朝廷之尊左右 矢齊發賊奔潰生致首領五人餘悉宥之用參政孟康 郡邑省耕薄征務農抑未又奏中原之人棄墳基生業 宋史 三

鎮江復陳可處者五王倫使北請和次膺言宣和海上 忠男直秘閣次曆奏曰攻城野戰世忠功也其子何與 律謹烽城明問探上皆信納聞韓世忠将自楚州移軍 攻為有餘警奏稍開首陳退舍便謂守為不足願嚴紀 奏令主議者見小利忽大計偏師偶勝遽思進討便謂 錢三十萬米四百萬石諸路常賦僅足支其半餘悉取 諸民乞罷不急之務節姑息之澤省冗官汰便兵韓世 石渠東觀圖書府也武功何與俸門一啟援例者衆又

卷三百八十三

マンコランラ 連宮掖親如肺腑罷任非宜臣亦得論之而大臣之姻 映繼其後何顏見吏民與檀之妻兄也章留中次曆再 識其詐時秦檜在政府為其妻兄王仲義飲兩官次順 論之曰近臣奏二人繼聞追寝除命是皆檜容私營救 與違法 個官田不輸祖其父仲山先知無州屈膝金人 幼仲嶷奴事朱動投拜金酋罪在不赦又幼知無州王 下曲從其欲國之紀綱臣之責任一 '約靖康城下之盟口血未乾兵隨其後今日之事當 永史 切廢格借使貴 二十五

龍麟等衛榜諭以朝廷抽回戍将務欲招安宜亟降待 僧欲陷之即單車 越茶陵擒賊驍将我之募賊黨毛義 萬據衡之茶陵檜匿不奏乃以見闕處次膺陛辭上曰 以不死龍淵李朝相繼降仍請料精鋭可得禁旅萬餘 名異恩卒歲當召既抵長沙賊勢方張戍将抽回始悟 卿以将母為請朕不得留湖湘風物甚佳且無盜賊職 去除直秘閣湖南提刑先是湖南賊龍淵李朝擁眾數 短乃不得繩之耶望陛下奮乾剛之威戒蒙蔽之漸求

金グロノノー

卷三百八十三

ヤ己可言 公子司 茶陵為軍金好成放書至衙陽次膺極陳其詐略曰臣 兄弟之讎不及兵棄讎釋怨盡除前事降萬乘之尊以 為便臣不知天下之人以為便乎父之讎不與共戴天 臣未知其可大臣懷姦固位不恤國計媕契遇和謬以 次膺笑曰是皆吾民正當棄兵甲持鋤擾趣令復業奏 臣除名遠寬已而得銓書蒙乃知朝廷遽欲屈已稱潘 深慮近觀邓報樞密院編修官胡銓妄議和好歷武大 昨在諫列當數論金人變詐無常願陛下為宗社生靈 宋史

不守正事交結出聚知平江御史中丞湯鵬舉劾次曆 治父上稱善權推給事中将聚權户部侍郎次膺販聚 委溝壑因奏國本未立上改容曰誰可次膺曰知子莫 求去加祕閣修撰還郡再召見歷言仇怨當國老母幾 求說於敵天下之人果能遂亡怨痛以從陛下之志乎 書奏不報金陷三京次曆罷奉祠秦檜以其負重名欲 毫髮求於人槍死起知婺州三日被召至國門以足疾 先移書當稍以用次膺笑而不答閱十六年貧益甚亡

金りをだる

卷三百八十三

アンカーが回いているとある 宗服未然方傳策士且金人嫚書甫至意在交兵别原 野問禁衛稀少當過為之處兼一出費十數萬稱易若 時上将以春饗迎高宗詣延祥觀幸玉津園次膺奏欽 納禄孝宗即位手詔趣召既至奏陛下用賢必考裏事 要如轉圍練兵恤民經理兩淮使敵不能乘虚而入是 功勿以一人譽用之一人毀去之出令要無反行納善 日除御史中丞朝徳壽宮高宗一見謂惜閒卿於殭健 假權報怨除待制官觀起知泉州移福建的丁母憂气 宋史 千七

此上天大做戒於陛下上歎其先見拜參知政事以疾 潰及見上顏色不樂奏言師潰而歸張沒彈壓必無他 符離之師提奏日聞次膺手疏干言乞持重未幾軍果 多所裨益呼其官不名隆與改元三月同知樞密院事 以資兵食時兩准盡為荒野次膺奏乞集遺此歸業借 貪饕湯思退之朋附葉義問之姦問皆以次論劾每章 種牛或今在屯兵從便耕種此足兵良法至若成関之 一出天下避之上方属精政事次膺每以名實為言

曾薦其賢湯思退召将至亦知臣當疏其姦臣不引避 清静先德化所至人稱其不煩善屬文尤工於詩 用者次曆奏今日之事恐非思退能辦思退固不足道 其去次曆奏臣與思退理難同列上曰有謂湯思退可 竊恐誤國家事竟道六年閏五月卒年七十九次膺孝 友清介立朝審誤任官五十年無絲毫挂吏議為政貴 人其謂何除資政殿學士提舉洞霄宮陛辭賜茶甚惜 力祈免且奏曰王十朋除侍史雖上親擢天下皆知臣 こと ラー シュニー 宋史 テス

與復剋期而往志雖未就其能慷慨任重豈易得哉次 赤壁一勝而三國勢成淮肥一勝而南北勢定允文采 論日孝宗志恢復特任張浚俊卿斤姦黨明公道以為 金定匹库全書 石之功宋事轉危為安實係乎此及其罷相鎮蜀受命 克進師允文儒臣奮勇督戰一舉而挫之亮乃自斃昔 哲為法非他相可擬也允文許國之忠炳如丹青金無 之佐泊居中書知無不為言無不盡盖其立志一以先 人亮之南侵其鋒甚銳中外倚劉錡為長城錡以病不 卷三百八十三

	1			т	-				
てるの意という	1	l	l			i	牵	7/29	
-		Ī	1	1		1	灰	/告	
~)		1	1	1	1	10	/ 13	
Ĩ.	.l		1			:	그만	10	
๋	ŧ	i	1	1		1	65	<i> 1</i>	
-	1	}	1	}	}	1			
Ē	i	1	{	l			方、	THE!	
~	1	1)			1	/	121-	
_	1	1	}	}			15	45	
-	1						有	上	•
~	ł	l	l				~		
î	1	i					7	715	
		l .					177	71	
		ĺ					一种	伍	
		l					リタ	711	
		İ					ا سو	57	
1	ŀ						F	白	
`)	1			1		<u> </u>	N	
	1	1				1	寒器尤著南渡直言之臣宜為首稱馬	-1-	
	1						i i	5	
	1	1					3.	-	
	1	1					2	否	
安	1		-					貝	
7	1	ł				1	1	7.5	
宋史	i	1				1	P-	112	
	1	l		1			120		
	i						` ;]	DX II	
		1				1			
	}	į					-12	7	
							ペワ		
	}	l				1	2	山石 🚪	
	1	}					F	少兒 🎚	
	ĺ				!		-	0	
	ł	İ					和山	占	
	1	1					177		
	ĺ	(正	45	
	i						, 9	ボント	
	į.	i						->	
	i .						. !	12	
	1							130	
-									
二十九								11.75	
ル	Į.							ו או	
-	t	}							
		!						ഥ.	
	1	1						7.3	
	l i							ابد	
	!							+17	
								膺力排奉邪無負言責泣改不煩居約有守晚再立朝	
		L							
400	THE PERSON NAMED IN	THE RESERVE				O STATE OF THE OWNER, OF THE OWNER, OF THE OWNER, OF THE OWNER, OF THE OWNER, O	COLUMN TO SERVICE	Commence of the Commence of th	

金に見る 宋史卷三百八十三 卷三百八十三

虞允文傳趙達〇按趙達當是趙逵然達傳無薦允文 宋史卷三百八十三考證 之事及考別本以舍人陸達薦存象

多定匹屋 生言 宋史卷三百八十三考證 卷三百八十三考證

陳康伯字長卿信之七陽人父亨仲提舉江東常平 伯幼有學行宣和三年中上舍丙科累遷太學正丁內 ていうえ いこす 欽定四庫全書 宋史卷三百八十四 列傅第一百四十三 陳康伯 将带 元中書右丞相總裁托克托等修 葉顒 梁克家 宋史 汪澈 葉衡 禁義問

舊槽當國康伯在郎省五年泊然無求不偷合十三年 院大計議官累遷户部司勲郎中康伯與秦檜太學有 太常博士改提舉江東常平茶鹽高宗進躍建康康伯 全建炎末為動令刑定官預脩紹興動令尋通判衢州 **艱貴溪盜将及其鄉康伯起義丁逆擊俘其渠魁邑得** 始遷軍器監借吏部尚書使金至汴将晡不供餉閉户 攝郡事盜發白馬原康伯督州兵齊王師進討克之除 以職事過關得對因請擇将上開納紹與八年除樞密

金烷口尼人二百

卷三百八十四

文之四事人三三 宋史 歲用會所入儲什之一二備水旱奏上議竟不決兼刑 縣取民無藝許監司互察臺諫彈劾尋兼禮户部乞約 實論殺之州以無事秩滿三奉祠垂十年槍死起知漢 州将出峽召對除吏部侍郎康伯首請節用寬民凡州 招懷盗多出降籍為兵久之不逞者陰倡亂康伯訊得 康伯館伴端午賜扇帕與論拜受禮言者以生事論罷 臥勿問入夜館人扣户謝不敏亦不對後因金使至記 知泉州海盗間作朝廷遣劉實成関逐捕康伯以上意 <u>ۃ</u>

謂其靜重明敏一 下平章事例賜銀絹康伯固辭減半又解兼史院上當 密院事王倫白發其端倫使還乃言和好無他康伯持 部前此有司希槍意與大獄康伯平嶽直宛士大夫存 初論不愛九月以通政大夫守尚書右僕射同中書門 已聞金以買馬非約為言朝廷特恃和康伯與同知極 日朕且大用何權為尋拜參知政事自孫道夫使北還 及多賴之除吏部尚書军臣擬用權尚書出命高宗顧 13.13 語不妄發真宰相也又命與湯思退

てこり きいう 衰三年先是禁義問賀允中使還言金必敗盟康伯請 臣且以淵聖凶問至康伯主禮部侍郎黃中之論持斬 五月金遣使賀天申節出嫚言求淮漢地指取将相大 寶三十年二月也明年三月拜光禄大夫尚書左僕射 使相封真王今宜冠以屬籍於是詔以為皇子封建王 宗嘆其長者普安郡王居潛藩高宗一日謂康伯當以 若依阿植黨此鄙夫患失者臣非惟不敢亦素不能馬 輔政事勿憚商論惟其當而已康伯言大臣事當盡公 宋史

同知極密院事周麟之受命聘金憚不欲行康伯獨以 時上意雅欲視師內侍省都知張去為陰沮用兵且陳 議康伯傳上古曰今日更不問和與守直問戰當如何 召三衙帥及楊存中至都堂議舉兵又請侍從臺諫集 騎卒少不可倚四沿江諸郡脩城積糧以固內地至是 兩淮地命諸将結民社各保其境三劉實獨當淮東将 退避策中外妄傳幸閱蜀人情汹洶右相朱倬無一 早為之備建四策一 增劉錡荆南軍以重上流二分畫 卷三百八十四 語

金けんしゃんノニョー

麟之竟以辭行罷尋貶責殿中侍御史陳俊卿言當用 吹芝四車全書 遣家豫避者康伯獨具丹迎家入浙且下令臨安諸城 其先發應之康伯勉周麟之以國事麟之語侵康伯康 聖意堅決則将士之意自倍願分三衙禁旅助襄漢待 張淡且乞斬張去為以作士氣康伯以俊卿振職奏權 伯曰使其不為宰相當自行大臣與國存亡雖死安避 為已任奏曰金敵敗盟天人共憤今日之事有進無退 兵部侍郎九月金犯廬州王權敗歸中外震駭朝臣有

亮為其臣下所斃而還方亮之犯江國人即立萬王褒 朱倬為都督倬辭乃命義問允文尋敗敵於采石金主 事去矣盍静以待之一日忽降手韶如敵未退散百官 部親征以葉義問督江淮軍虞允文參謀軍事上初命 康伯焚之而後奏曰百官散主勢孤矣上意既堅請下 殿議之因命就康伯議康伯延之入解衣置酒上聞之 已自寬翌日入奏曰聞有勘陛下幸越趨閩者審爾大 門屬鐍率運常時人恃以安敵廹江上召楊存中至內

扈從回即以病祈去位不允明年改元隆興請益堅逐 以進及行內禪禮以康伯奉冊孝宗即位命兼樞密使 曰有宣召慎勿辭字執即府錢别百官班送都門外 三十二年始遣馬忠建來告登位議授書禮康伯以誼 以太保觀文殿大學士福國公判信州上慰勞甚動且 進封信國公禮遇殊渥但呼丞相而不名康伯自建康 密赞大議乞先正名俾天下咸知聖意遂草立太子詔 折之於是報書始用敵國禮高宗倦勤有與子意康伯

次定四軍主書 ~ 宋史

100

魯國公親故謂康伯實病宜辭康伯曰不然吾大臣也 間日一會朝許有與至殿門仍給扶非大事不署敵師 今國家危當與疾就道幸上哀而歸之爾道聞邊處兼 出里門拜尚書左僕射同中書平章事兼極密使進封 情驚駭皆望康伯復相上出手札遣使即家居召之未 令赴闕奏事復解未幾召陪郊祀時北兵再犯淮甸人 又解郡丐外祠除醴泉觀使二年八月起判紹與府且 以進至闕下韶子安節壻文好謙掖以見減拜賜坐 卷三百八十匹 次定马車主書 梁克家字叔子泉州晉江人幼聰敏絕人書過目成誦 配享孝宗廟庭改益文正 上辛有事南郊康伯起陪祠已即馬歸章隻上不許一 手礼批諭寄留省中以成其美康伯薨給還之慶元初 二子偉節除直秘閣安節賜同進士出身五辭不受上 擇日臨真子偉節固辭乃止命工部侍即何備護喪歸 日出殿門喘劇與至第薨年六十有九贈太師諡文恭 退尋以目疾免朝謁卧家旬餘一奏事乾道元年正月 宋史

威柄五定廟算六結人心其論定廟算謂今邊議不過 三說曰将兵財語甚切直累遷中書舍人使金金以中 闕失克家係六事一正心術二立紀綱三枚風俗四謹 家奏宜下詔求言從之令侍從臺諫卿監郎官館職疏 其遠處召為秘書省正字遷著作佐郎時災異數見克 紹興三十年廷試第一授平江簽判時金主亮死衆皆 振不量力而動将有後悔俊卿歸以白丞相陳康伯歎 言可乘機進取克家移書陳俊卿謂敵雖退吾兵力未

者母輕至殿門外以肅朝儀韶定為令郊祀有雷震之 賀慶會節克家請令金使入朝由南門百官由北門從 朝進士第一敬待之即館宴射連數十發中的金人來 空言為懲則諫爭之路遂塞願有以開導之上欣納因 無隱當奏陛下欲用實才不喜空言空言固無益然以 變克家復條六事遷給事中凡三年遇事不可必執奏 炎之可華全書! 上手筆獎諭並道五年二月拜端明殿學士簽書樞密 命條具風俗之弊克家列四條曰欺罔茍且循點奔競 宋史

為先令用度不足何以集事上改容曰朕将思之詰朝 事中外稱得人允文主恢復朝臣多迎合克家密諫數 克家請選置官屬增講讀員遂以王十朋陳良翰為詹 不合力写去上曰兵終不可用乎克家奏用兵以財用 以安在政府與虞允文可否相濟不苟同皇太子初立 所獲俘啟釁未已克家請築楚州城環舟師于外邊賴 院事明年參知政事又明年兼知院事初修金好金索 上面諭曰朕終夜思卿言至當毋庸去八年詔更定僕 卷三百八十四

宰執曰近過德壽宮太上頤養愈勝天顏悦懌朕退不 射為左右丞相拜克家為右丞相兼極密使一日上謂 文奏充獨高五帝之壽以此上曰然允文既罷相克家 勝喜克家奏充未得舜以為已憂既得舜固宜甚樂九 府公議不與寝命俄復用說怒士夫不附已謀中傷之 獨東政雖近戚權俸不少假借而外濟以和張說入極 克家悉力調護善類賴之議金使朝見授書儀時欲移 5 - 5 - 1.17 文對境以正其禮克家議不合遂求去以觀文殿大學

贈少師諡文靖初唱第時孝宗由建即入侍愛其風度 告仍知福州名除體泉觀使九年九月拜右丞相封儀 淳熙八年起知福州在鎮有治績趙雄奏欲令再任降 駭後二年湯邦彦坐使事貶天下益服克家謀國之忠 既而三省密院卒移牒四州敵不從遣泛使來舉朝震 士知建康府陛解上以治效為問克家勘上無求奇功 問不絕十四年六月薨年六十手書遺奏上為之垂涕 國公逾月而疾十三年命以內祠兼侍讀賜第在所存

金定四座全書

卷三百八十四

藍司待從基諫各舉将帥高宗善之行其言除監察御 史進殿中侍御史特賜鞍馬時和戎歲久邊防浸弛澈 **訖役議者欲廣四隅士庶墳在二十里內皆當遷命澈** 陳養民養兵自治豫備之説累數千言顯仁皇后攢宫 命尤温雅多行于世 峻整及登政府眷寵尤渥為文渾厚明白自成一家辭 ってこりってんにか 沅州用万俟高薦為秘書正字校書 郎輪對乞令師臣 汪澈字明遠自新安徒居饒州浮梁第進士教授衡州 宋史

金にせんと言 資格除侍御史左相湯思退不協人望澈同殿中侍御 縣卒情宜加蒐閱使有關心文武職事務選實才不限 遷國朝宫陵儀制在於封堠界內不許開故合科願遷 年今日何為是紛紛漢長樂未央宫夾樗里疾墓未當 按視還奏昭慈徽宗顯肅懿節四陵舊占百步已數十 史陳俊卿劾罷又論鎮江大将劉寶十罪詔奪節子祠 出者聽其意深矣萬宗大悟悉如舊葉義問使金還頗 知犯邊謀澈言不素備事至倉卒靖康之變可鑑今将 卷三百八十四 次定四庫全書 ... 以用之陛下屈己和戎厚遺金總被軟出惡言以撼吾 高景山來求釁端澈言天下之勢殭弱無定形在吾所 高宗欲存護使去澈與俊卿同具奏存中始罷會金使 謹而書之令一夕間二異交至此陰威之證殆為金人 存中久握兵權內結閱寺王十朋陳俊卿等繼論其罪 今荆襄無統督江海乏備禦因陳修攘十二事殿師楊 三十一年上元前一夕風雷雨雪交作澈言春秋智隱 公時大雷震電繼以雨雪孔子以八日之間再有大變 宋史

衆十萬楊聲欲取判南又欲分軍自光黃樓武昌朝廷 以敵昔由此入江南令吳拱嚴護武昌津渡拱将引兵 陽撫諸軍鄂帥田師中老而怯立奏易之時欲置襄守 利病悉以聞過九江王炎見散論邊事碎為屬借至襄 萬人屯京襄以澈為湖北京西宣諭使韶凡吏能否民 心其氣百倍矣除御史中丞尋遣馬帥成閔以所部三 國願陛下赫然睿斷益兵嚴備布告中外将見上下 南澈奏襄陽地重為荆楚門戶不可棄敵将劉尊雅

陳蔡汝賴相次歸職方未幾金主亮死澈乞出兵淮甸 留裹敵騎奄至樊城拱大戰漢水上敵衆敗走時唐鄧 欠三日車人にテー 意恢復首用張浚使江淮澈以參豫督軍判襄将分道 入為參知政事與宰相陳康伯同赞內禪孝宗即位鋭 與荆襄軍夾擊其歸師未報而金新主罷兵請和召澈 棘彌望澈請因古長渠築堪募閒民汰冗卒雜耕為度 進討趙樽守唐王宣守鄧招皇甫個於蔡襄漢沃壤荆 回鄂澈聞之馳書止拱而自發鄂之餘兵戍黄州俾拱 宋史

武昌而張浚尅期大舉詔澈出師應之敵以議不合乞 價種私其餘官以錢市之功緒略就隆與元年入奏還 寶疏再上落職仍祠禄明年知建康府尋除樞密使在 如省乞罷熟澈亦請祠除資政殿學士提舉洞霄宮大 **倜以忠義結山砦扼敵要衝散不能節制坐視孤軍** 三十八屯給種與牛投廬舍歲可登穀七十餘萬斛民 令沒併領荆襄諫議大夫王大寶論澈無制勝策皇前 金グロ 計趙樽以千五百人救方城敗散五百餘人散漫不 とき 卷三百八十四

孝宗訪邊事澈奏向者我有唐鄧為藩籬又皇甫倜控 位二年以觀文殿學士奉洞霄祠尋知鄂州東安撫使 薦陳俊卿王十朋陳之茂為臺官高宗曰名士也次第 距百里爾臣令趙樽王宣察城儲糧分備要害有以待 扼陳蔡敵不敢窥襄既失两郡倜復內徙敵屯新野相 スクショントラー 仕卒年六十三贈金紫光禄大夫諡莊敏澈為殿中日 澈言不可知寧國府改福州福建安撫使復請祠尋致 敢至於機會之來難以豫料孝宗善之時議廢江州軍

管舉義問怒甚乃袖薦書還之知江軍縣召秦衛所親 書劾之詔勿問前樞密徐俯門僧犯罪義問繩以法俯 禁義問字審言嚴州壽昌人建炎初登進士第調臨安 饒州教授攝郡歲早以便宜發常平米振民提刑黃敦 府司理參軍范宗尹為相義問與沈長卿等疏其姦為 臣起寒遠所以報國惟無私不欺爾其自奉清約雖貴 猶布衣時有文集二十卷奏議十二卷 用之矣在樞府孝宗密訪人材為百有十八人常奏言 卷三百八十四

其當言范宗尹召至言臺諫廢置在人主槍親黨宜盡 問累章劾鵬舉有一槍死一槍生之語并方崇等皆罷 罷逐以言得罪者宜紅復擢殿中侍御史樞密湯鵬舉 得罪不為不祥常先白檜罷去檜死湯思退薦之上記 先宗元道九江常先檄義問拘其舟義問投檄曰吾寧 江州豫章守張宗元件檜或中以飛語事下漕臣張常 效律所為植其黨周方崇李庚置籍臺諫銀異已者義 役同僚不可義問曰釋是則何以服他人卒役之通判 筠提書至讀之至金賊又添生兵顧吏曰生兵何物耶 害備之金主亮果南侵命視師義問素不習軍旅會劉 同 政盡出掌握遷侍御史朱樸沈虚中奉祠里居義問劾 之又言凡擇将遇一關令樞密院具三名取上古則軍 奏彼造舟船備器械其用心必有所在宜屯駐沿海要 其附秦檜皆移居郊祀放義問言項歲附會告計者不 生けんじゃんんこうで 應例移放從之選吏部侍郎兼史館修撰尋兼侍讀拜 知樞密院事上聞金有犯邊意遣義問奉使現之還 卷三百八十四

ススカラーとは 間者掩口至鎮江聞瓜洲官軍與敵相持大失措乃役 民掘沙溝植木枝為鹿角禦敵一夕潮生沙溝平木枝 私其親謫饒州乾道元年詔自便六年卒年七十三 與元年中丞辛次膺論義問項護諸將幾敗事且以官 建康已而金主亮被弑師退義問還朝力請退遂罷隆 復欲還鎮江諸軍喧沸曰不可回矣回則有不測遂獨 盡去會建康留守張素遣人告急義問乃遵陸云往建 康惟發軍市人皆媒罵之又聞敵據瓜洲采石兵甚衆 宋史

或令深入山東或令自荆襄深入除權參知政事同知 士第二人孝宗即位累遷起居郎兼直學士院時官者 樞密院事首奏加意邊防又奏枝将才行伍間識其姓 梁珂事上潛即撓權尹精論珂與祠帯繳奏罷之簽書 國用事帝奏方令財最費於養兵藝租取天下不過十 将带字子禮常州宜與人之奇曾孫紹與二十一年進 五萬人紹與初外有大敵內有巨宛然兵數亦不若今 旦披籍可立取具又料簡歸正人仍以北人将之 卷三百八十四 陛下更審思其人南郊禮畢宰相葉題魏把罷并採衆 報上顧帝曰将來都督非卿不可芾奏臣未當經歷兵 亡事故常不下四百人若權停招兵一年有半侯財用 有官人與以外任請券錢添借給如故是減於內而添 間又奏方今錢穀不足兵士不練将帥與臣不相識願 稍足招丁肚不惟省費又得精兵上悟一日因進呈邊 於外何益又招兵耗盡愈甚臣考聚在內諸軍每月逃 日之多近見陳敏勇汰三千人戚方汰四千人然多是

として日からればの

宋史

十五

於論議而劣於事功數 居 學士知紹與府提舉洞霄官尋以言者論落職建昌軍 若決之若奏天時人事未至拂上竟服関除觀文殿大 論參已見為籌邊志上之明年拜右僕射同中書門下 平章事兼樞密使會母疾卒記起復拜左僕射帝力解 有密肯欲今歲大舉手記廷臣議或主和或主恢復使 住期年有百自便再提舉洞霄宫卒爷始以言邊事 上知不十年間致相位終以不能任兵事受責豈優 卷三百八十四

為也師曾開大善之知信州貴溪縣時韶行經界郡議 六邑以貴溪為式知紹興府上虞縣凡繇役令民自推 以上中下三等定田税顒請分為九等守從之令信之 州南海縣主簿攝尉盗發州檄巡尉同捕巡檢獲盗十 葉顯字子昂與化軍像遊人登紹與元年進士第為廣 與民約使自持户租至庭親視其入咸便之帥曹泳令 貨力甲乙不以付吏民欣然皆以實應惟租各書其數 餘人歸其勞於顒顒曰掠美欺君俸賞三者皆罪不忍 宋史

次定四車全書 一

錢四十萬守坐免移願知常州金犯邊高宗視師建康 令陳光獻美餘百萬顯以所獻充所賦湯思退之兄居 興之返其語則切高宗嘉納除将作監簿知處州青田 處州家奴屠酤犯禁一 今 歲夏租先期送什之八 職請少好其期泳怒及麥大 中薦題靜退遂召見顯論國讎未復中原之民日企靈 熟民輸租及為諸邑最派大喜許薦于朝題固解賀正 一毗陵顒賜對舟次因言恢復莫先於将相故相張浚 絕以法思退不悦屬常州通緣

横飲是民之膏血也以利易賞心實耻之召為尚書郎 アンナンマッター 人・大百 明殿學士拜參知政事兼同知樞密院事武臣梁俊彦 與郎官編七司條例為一書上嘉之令刻板頒示除端 郡之重寄是利一人害一方也人稱其直除吏部侍郎 除右司韶求直言題上疏謂陛下以手足之至親付州 復權尚書時七司弊事未去上疏言選部所以為弊乃 久謫無恙是天留以相陛下也顕初至郡無旬月儲未 年餘緡錢二十萬或勘獻義顯曰名美餘非重征則 宋史 十七

萬得監鎮江大軍倉御史王伯庠亦論之颙乞下吏辯 足以塞責俊彦皇恐汗下是日韶沙田蘆場並罷御史 漲而出沒不常蘆揚則臣未之詳也且辛 巴軍與蘆場 請稅沙田蘆場帝以問題對曰沙田乃江濱地田隨沙 金はログノー 林安宅請兩淮行鐵錢顒力言不可安宅不能平既入 田租並復今沙田不勝其擾上曰誠如卿言願至中書 桓府乃上章攻颙云颙之子受宣州富人周良臣錢百 召俊彦切責之曰汝言利求進萬一為國生事斬汝不 卷三百八十四

久で四車へ下方 一 惟去泰甚上曰固然虞有禹卑亦有共雞周有旦頭亦 臺諫上嘉納又言自古明君用人使賢使愚使姦使盗 事未拜進尚書左僕射兼樞密使颙首薦汪應辰王十 宅伯库風聞失實並免所居官仍貶安宅筠州召題赴 王炎知臨安上令炎親鞫置對無秋毫跡獄奏上以安 明乃以資政殿學士提舉洞霄宫上下其事臨安府時 闕入見上勞之曰卿之清徳自是愈光矣除知極密院 朋陳良翰周操陳之茂芮睦林光朝等可備執政侍從 宋史

國 有共雖管蔡然有竊弄威福者臣不敢隱上問為誰願 有管察在用不用題曰誠如聖訓但今日在 兵 金二百 節用而愛人蓋節用則愛人之政自行於其間若欲 財私費民財爾上曰此至言也上曰建康劉源當路 多則有冗卒虚籍無事則費財有事則不可用雖曰 龍大淵對語在陳俊卿傅上以國用未裕詔宰相兼 用使參政同)旋即招之欲足國用當嚴於汰緩於招可也孔子 知國用事願乃言今日費財養兵為甚 百八十 匹 朝雖未見

ろつと可う 人にす 學士致仕贈特進諡正簡顯為人簡易清介與物若無 舉太平與國官歸至家不疾而薨年六十八以觀文殿 服食僮妾田宅不改其舊 以獲罪固所願也即為具舟舟移乃去自初仕至宰相 名捕甚急願與同邸猶令逸去登曰不為君累乎願曰 **忤至處大事毅然不可奪友人甚登曾上書幾切時相** 近習朕欲遣王抃廉其姦颙曰臣恐廉者甚於姦者乃 止乾道三年冬至上親郊而雷顒引漢故事上印綬提

者或言常平不可輕發衛曰儲蓄正備緩急可視民飢 法遣還任權知常州時水原為災衡發倉為糜以食飢 禁衛字夢錫婺州金華人紹興十八年進士第調福州 境治為諸邑最郡以政績聞即召對上曰聞鄉作縣有 榜縣門俾里正諭民不造一吏而賦自足歲災蝗不 除其籍而均其額於上之四等貧者頓蘇徵科為期限 弊富民多隱漏貧弱困於倍輸衛定為九等自五以下 寧德簿攝尉以獲鹽寇改秋知臨安府於潛縣户版積 金シロアノニ 卷三百八十四

かっこりう シスチョ 侍郎時鹽課大虧衡奏年來課入不增私販害之也宜 二三年後阡陌成做營田官私各収其半從之除户部 甚衆粮晉陵丞李孟堅攝無錫縣有政聲衡薦于上即 錢以時給之鹽之委積以時以之擇廉能吏察之私販 自煮鹽之地為之制司火之起伏稽電之多寡亭户本 圩田四十里街奏募民以耕歲可得穀數十萬蠲租稅 除知秀州上之信其言如此除太府少卿合肥瀕湖有 而不救耶疫大作衛單騎命醫藥自隨福問疾苦活者 宋史

陛下放其狂而取其忠足以顯容諫之威乃賜屋制科 便殿閱武士召衙預觀賜酒灑宸翰賜之知荆南成都 出身有言江淮兵籍偽濫詔衛按視賜以袍帶鞍馬弓 為殿最李垕應賢良方正對策近計直入第四等衡奏 馬政之弊宜命統制一員各領馬若干匹歲終計其數 西於秀州丁母憂起復知廬州未行除樞密都承古奏 金只正左人言 自絕矣仍命措置官三人淮南於通州浙東於明州浙 矢且命衛措置民兵咸稱得治兵之要記事赴關上 19 御

材二令户部取湖廣會子實數盡以京會立限易之從 つている いっち 對時會子浸患折閱手詔賜衡曰會子雖曰流通終未 金白金銅錢九百萬內藏庫五百萬并蜀中錢物七百 盡愜人意目即流使有二千二百餘萬令用上下庫黄 之拜右丞相兼樞密使上銳意恢復凡将帥器械山川 奏二事一收守将帥必擇材以稱其職必久任以盡其 建康府除户部尚書除簽書樞密院事拜參知政事衡 防守悉經思慮奏對畢從容賜坐講論機密或不時召 *

如何不可有黨如唐牛李之黨相攻四十年緣主聽不 明至此文宗曰去河北賊易去朝中朋黨難朕常笑之 以無逸為龜鑑社稷之福上又言朝廷所用止論其人 歷年商周之君享國長遠真萬世龜鑑衡奏願陛下常 年稱極治成康而已上曰朕觀無逸篇見周公為成王 唐治日常少亂日常多何也衡奏聖君不常有周八百 萬盡易會子之數專命卿措置日近而辦卿真宰相才 金宁巴尼全書 日上曲宴宰執於凝碧上曰自三代而下至于漢 卷三百八十四

次定四軍全書 使還果辱命上震怒窺之嶺南韶衛自便復官與祠年 大怒即日罷相責授安德軍節度副使郴州安置邦彦 既知薦出於衡恨衛門間衛對容有記上語奏之上 改官非奏對稱肯則用考舉磨勘一旦特肯與之非陸 衛奏司諫湯拜彦有口辨宜使金邦彦請對問所以遣 事御寶寶封令與臨安府實思永改合入官衛奏選人 衡奏文宗優游不斷故有此語陛下英明聖武誠非難 下愛惜人才之意上函以前命上諭執政選使求河南 宋史 1+1

論而劣事功者歟葉顯清儉正直而衡才智有餘蓋亦 言正色掃除泰僧餘黨然不長於兵臨敵失措宣優議 謀國盡忠至若汪澈之論事忠怒薦達人才葉義問直 論曰陳康伯以經濟自任臨事明斷梁克家才優識遠 由小官不十年至宰相進用之驟人謂出於曾觀云 六十有二薨贈資政殿學士衡員才足智理兵事甚悉 時之選云 宋史卷三百八十四

人工日言 八十二 葛邓字楚輔其先居丹陽後徙吳與世以儒學名家髙 欽定四庫全書 祖密至郊五世登科第大父勝仲至郊三世掌詞命郊 宋史卷三百八十五 列傳第一百四十四 為必 施師點 元中書 右丞相總裁托克托等修 錢端禮 蕭燧 宋史 龔茂良 魏杷 周葵

税務紹與問所越茶鹽歲以一千三百萬絡為額乾道 宗獎諭曰觀所奏知卿材除著作郎兼學士院權直除 薦其才除國子博士輪對論州縣受納及鬻爵之弊孝 宜專以畏天愛民為先又論征權歲增之害如華下都 少警敏葉夢得陳與義一見稱為國器以養授建康府 正言首疏言盈虚之理隱於未然治亂之分生於所忽 辨留守張浚王綸皆器重之登進士等蕭之敏為御史 上元丞會金人犯江上元當敵衝調度百出必不擾而 たいきて 火でララーンコ 虞允文制國用南庫之積日以厚户部之入日以削故 事累遷中書舍人歲早韶求初政得失必應韶大略謂 令條陳郊以六事對皆切中時病除侍御史論救荒三 倍者母更立新額官吏不增賞庶少熱疲旺上特召復 安得不窮乎願明詔有司茶鹽酒稅比原額已增至 民力重困至若租税有定數而暗耗日增折帛益多民 千緡令至四十餘萬緣通四川酒額遂至五百餘萬緣 六年後增至二十四百萬緣成都府一務初額四萬八 宋史

其勢必至於掊刻取價益精其選遷給事中張疑以說 之子除知閣裴良琛以顯仁之姪女夫落階官必皆鄉 近年以來常有不足之憂罷兵以來諸将皆以貼得升 法孝宗正風俗節財用振士氣執中道恤民力選将帥 命必屬和者遇甚渥光宗受禪除參知政事必勸上專 **邺為東宫僚屬八年孝宗書安遇字以賜又出梅花詩** 其貲楮弊行之二廣民必疑慮且有後悔除刑部尚書 奏廣西議更鹽法必言鈔法之行漕臣當給羣商沒入 卷三百八十五 ていることが 吾不為也當日十二時中莫欺自己其實踐如此改判 刑獄必親或謂大臣均佚有體必曰崇大體而簡細務 於修身齊家結人心定規模判紹與府簡稽期會錢穀 福州道行感疾除少保致仕薨年六十六贈少師諡文 采公論惟恐其不聞之未期年除觀文殿大學士知建 院事紹熙四年拜左丞相專守祖宗法度薦進人物博 权人才擇監司明法令手疏歷言之上嘉納除知樞密 康府改隆興請祠寧宗即位必上疏言今日之事莫先 宋史

修 法幾月易錢數百萬孝宗銳意恢復詔張浚出師會符 管建明用楮為幣於是專委經畫分為六務出納皆有 禮以思補官紹與間通判明州加直秘閣累遷右文殿 錢端禮字處和臨安府臨安人父沉潼川軍節度使端 定配饗光宗廟庭有文集二百卷詞業五十卷 版曹闕官當遊選權户部侍郎兼樞密都及旨端禮 撰仕外服有聲高宗材之知臨安府御史中丞汪澈 稍失利湯思退遂倡和議端禮奏有用兵之名無用

金グレん とき

卷三百八十

ころうえ 於是思退復留命沒行邊還成兵罷招納以端禮充淮 兵者凶器願以符離之潰為戒早決國是為社稷至計 端禮奏仲通言是乞采納思退與張浚議和戰不決浚 兵之實買怨生事無益於國思退大喜奏除户部侍郎 方主戰上意甚鄉之思退說求去端禮請對乞留又奏 未幾兼吏部端禮與户部尚書韓仲通同對論經費奏 原財賦自足仲通奏恢復未可必且經度日前所用 入有限兵食日增更有調發不易支吾上云須恢復 7.1.1 宋史

金安匹尼 全書 東宣諭使王之望使淮西端禮入奏两淮名曰備守守 書中或有見脅之語不若先遣以釋其疑於計為得上 踩出師大喪師徒者必勝之說果如此皆誤國甚明端 未必備名曰治兵兵未必精有用兵不勝僥倖行險輕 和議遂除吏部侍郎再往淮上驛疏言遣使發兵當並 行使以盡其禮兵以防其變不必待金書至而後遣使 禮既以是抵沒右正言尹穑亦劾沒罷都督自此議論 矣端禮至淮還極言守備球略恐召金兵宜早定 卷三百八十五

欲遣楊由義持金的書而解行甚力誰可遣端禮請以 アクララ シュー 拜端明殿學士簽書樞密院事兼權參知政事上當問 禮赴闕上曰前後廷臣議論獨卿不變兼户部尚書俄 王抃行俾與金帥議許割商泰地歸彼俘人惟叛亡者 淮軍馬端禮試兵部尚書參贊軍事思退畏怯不行端 不與餘誓目略同紹與世為叔姓之國減銀絹五萬易 退傳金的僕散忠義分兵入上意中悔令思退都督江 云端禮所奏未是思退傳首撤海四二州戍兵語在思 永史

式報之謀國當思遠圖如與之和則我得休息以修內 治若為於兵未見其可於遂行謀報北軍已回端禮以 不報遷太常少卿館閣士相與上疏排端禮皆坐紙刑 和議既定乞降詔除參知政事兼權知極密院事時久 歲貢為歲幣及抃還上見書金皆聽許端禮對上如其 金艺正屋左書 禮女也殿中侍御史唐充封論端禮帝姻不可任執政 不置相端禮以首參閱相位甚急皇長子鄧王夫人端 侍郎王韩陰附端禮建為國是之説以助其勢吏部 卷三百八十五

これ、一日 うしたない 端禮云恭王夫人子是為皇長嫡孫端禮不懌翌日奏 禮城之出俊卿知建寧府鄧王夫人生子太上甚喜先 此懼不可為子孫法速進讀寶訓適及外戚因言祖宗 侍即陳俊卿抗疏力抵其罪且謂本朝無以戚屬為相 兩月恭王夫人李氏亦生子於是恭王府直講王淮白 指准傾邪不正與外任鄧王立為太子端禮引嫌除資 嫡庶具載禮經講官當以正論輔導不應為此邪說遂 家法外戚不與政最有深意陛下所宜守上納其言端 宋史

政殿大學士提舉德書官兼侍讀改提舉洞霄宫起知 萬緣有詣闕陳訴者上聞之與舊祠侍御史范仲也劾 寧國府移紹與進觀文殿學士端禮籍人財産至六十 金八匹尼人言 端禮貪暴不俊降職一等淳熙四年八月復元職薨贈 自 銀青光禄大夫後諡忠肅孫象祖嘉定元年為左丞相 知宣州涇縣從臣錢端禮薦其才召對擢太府寺主簿 魏把字南夫壽春人祖陰入官紹與十二年登進士第 有傳 卷三百八十五

欠已日子 八郎 其敢不勉萬一無厭願速加兵上善之行次盱眙金所 遣使一正名二退師三減歲幣四不發歸附人把條上 正少卿湯思退建和議命紀為金通問使孝宗面諭令 進丞端禮宣諭淮東把以考功員外郎為參議官選宗 當廷授房長馳白僕散忠義疑國書不如式又求割商 遣大将僕散忠義紀石烈志寧等方擁兵關淮遣權四 十七事疑問對上随事畫可陛解奏曰臣若将指出殭 趙房長問所以來意求觀國書把曰書御封也見主 宋史

式再易國書歲幣亦如其數忠義以未如所欲遂與志 以禮物傷督府師把奏金若從約而金網不具豈不癢 寧分兵犯山陽戰不利驍将魏勝死之上怒金反覆詔 秦地及歸正人且欲歲幣二十萬把以聞上命盡依初 クチェノセドルノニュモー 君臣環聽拱球館伴張恭愈以國書稱大宋衛去大字 國體格事機平乃以禮物行至於見金主褒具言天子 和則兩國享其福戰則将士蒙其利昔人論之甚悉金 神里才傑奮起人人有敵愾意北朝用兵能保必勝乎 卷三百八十五

次定四軍全書 六年授觀文殿學士知平江府諫官王希吕論記食墨 漢制災異策免守左諫議大夫提舉江州太平與國宫 慰藉甚渥守起居舍人遷給事中同知樞密院事進參 之尚可奪之不可上是其言把以使金不辱命繇庶官 把拒之卒正敵國禮損歲幣五萬不發歸正人北 還上 巴賜淮南田意不愜以職田請把言去租食功養廉借 知政事右僕射兼樞密使時方借職田助邊降人蕭薦 一歲至相位上銳意恢復把左右其論會郊祀冬雷用 宋史

熙十一年十一月薨贈特進嘉泰中鑑文節 奪職後以端明殿學士奉祠告老復資政殿大學士淳 察御史徒殿中侍御史在職僅兩月言事至三十章且 移躍臨安諸軍交馳境上葵與判官攝郡事應變敏速 學傳誦其文宣和六年推進士甲科調繳州推官高宗 周葵字立義常州宜與人少力學自鄉校移籍京師兩 召試館職将試復引對高宗曰從班多說卿端正除監 千里帖然教授臨安府未上吏部侍郎陳與義密薦之 老三下ハナチ 次三四年二十二 係或言葵沮大計罷為司農少卿以直秘閣知信州未 奇張浚議北伐葵三章力言此存亡之機非獨安危所 議不容而去大臣亦無固志假如陛下有過尚望大臣 盡忠豈大臣有過而言者一指乃便為形迹使被過而 曰趙鼎張沒肯任事須假之權奈何處以小事形迹之 葵曰陛下即位己相十許人其初皆極意委之卒以公 不改罪戾日深非所以保全之也高宗改容曰此論甚 歷條所行不當事凡二十條指宰相不任責高宗變色 宋史

樂又論國用軍政士民三弊高宗曰國用當藏之民百 鎮已貶葵固不言雖門下客亦不及之也內降差除四 葵前論事去必憾趙鼎再除殿中侍御史葵語人曰元 姓足則國用非所患又言薦舉改官之弊宜聽減舉員 就和議已定被召論為國有道戰則勝守則固和則久 人奏言願陛下以仁祖為法大臣以杜行為法檜始不 不然三者在人不在我矣除太常少卿時秦檜獨相意 上點罷陳與義執政改湖南提刑以親老易江東皆不 グミッグ ビ 卷三百八十五

钦尼四軍全書 葵方待引槍下殿諭問門曰周葵已得首除起居郎隔 除两府汝嘉聞葵欲劾之謂中書舍人林待聘曰副端 時金使絡繹于道葵不為禮轉運李椿年希槍首劾之 将論君矣待聘乗槍未趨朝亟告之權即奏為起居郎 有韶從官薦士葵以廣問應初不相知也光既此葵以 韶吏部措置檜所厚權户部尚書梁汝嘉将特賜出身 附槍落職主管玉隆觀復置秘閣起知湖州移平江府 下八月庚辰也參政李光擬除召廣問館職槍不許時 宋史 +

者點之兼權給事中侍御史湯鵬舉言奏以魏良臣薦 躐處侍從召廣問葵之死黨乞并罷之太學生黃作詹 經傳語可諛者為問目學者競逐時好望韶國學并擇 安之檜死復直秘閣知紹與府過闕權禮部侍郎尋兼 落職主管崇道觀屏居鄉問憂患頻仍人不能堪奏獨 ・ションモ 秋試考官精選通令博古之士置之前列其穿鑿非謬 國子祭酒奏科舉所以取士比年主司迎合大臣意取 淵率諸生都堂投牒留葵翌日博士何備等言于朝乞 卷三百八十五 次定四季主 政日有咨詢者出人意表令皆微文細故此必有小 婺州孝宗即位除兵部侍郎兼侍講改同知貢舉兼權 懲戒詔作淵皆送五百里外州編管葵出知信州隨罷 熟市河久湮雨陽交病葵下令城中家出一夫官給之 水壞好提悉繕完凡百二十里傍郡圩皆沒惟當釜歲 食併力沒導公私便之進集英殿修撰數文閣待制知 ,部侍郎孝宗數手詔問錢穀出入葵奏陛下勞心庶 知信州引疾改提舉與國宫加直龍圖閣知太平州 宋史

諸公待罪乞罷不許葵獨留身固請孝宗曰卿何請之 速葵與陳康伯湯思退乞令侍從臺諫集議聚益海沟 終守自治之說兼權知極密院事臺轉交章言議和太 機也於請對謂不可輕舉累數百言及遣李顯忠邵宏 為動金主亮為其下所斃張沒自督府來朝密言敵失 淵取靈壁虹二縣敗績孝宗思其言拜參知政事葵始 四州其懼罪者皆欲來歸願遣軍渡淮赴之此恢復之 乘問欲售其私不可不察蓋指龍大淵自覿也孝宗色 卷三百八十五

オード・モール くこ

葵即求退除資政殿學士提舉洞霄宫起知泉州告老 邊處未靖請展郊以符天意詔從之處允文陳康伯相 第用之太常奏郊牛斃葵言春秋鼷鼠食牛角免郊况 陛下又或不然大率十事之中不從者七八安得不愧 於心此臣所以欲去也曾乞召用侍從臺諫孝宗曰安 得如哪直諒者遂薦李浩襲茂良孝宗皆以為住士次 有不得以强從者有絕不肯從者十常四五泊至榻前 力也曰自預政以來每與宰相論事有以為然而從者

次足四軍主書 宋史

太學試每在前列司業甚宏稱其文深醇有古風尋授 施 三十卷奏議五卷晚號惟心居士四年有司請諡賜諡 孫尚未命平生學問不沒傳注作聖傳詩二十篇文集 累贈太傅葵孝於事親當任子先孤姪其薨也幼子與 月薨年七十有七上聞震悼贈正奉大夫後以子升朝 加大學士致任開居累年不以世故繁心淳熙元年正 グジェイゼ 日惠簡 師點字聖與上饒人十歲通六經十二能文弱冠游 卷三百八十五

願悉除免上曰非卿不聞此言韶從之八年兼權禮部 欠い可与しいす 積多通員令明堂肆赦户自四等以下通自四年以前 求惟恐財賦不集母惑乎日降綠為恩不霑被細民既 用於倍輸又困於非法重以歲惡室且垂磬租不如期 詔恤民而惠未加浹陛下較念惟恐一夫失所郡邑搜 為臨安府教授乾道元年陳康伯薦賜對言歷年屢下 以學職以舍選奉廷對調福州教授未上丁內製服除 部除給事中時太子詹事已除上又特令增員為 宋史

宇文价於班列中指師點以示之金使恍然曰一見正 已及後金使賀正旦至關問館伴師點令居何官館伴 立已定尚欲何為不肯少動在廷相顧駭愕知其有守 以待用上曰觀卿所奏公輔器也假翰林學士知制語 命兼之賜對言比年人物歌世氣耗繭當廣儲人材 不敢復以為請九年使還有言其事于上者上嘉數不 命師點退位師點此立相儀者請數四師點正色曰班 兼侍讀使金致命金廷立班既定相儀者以親王将至 卷三百八十五

とこコードへいたの 卿等如此深副所望必大奏祖宗時宰執奏事自相可 等各陳所見甚關大體前此宰相奏事執政不措解令 兼參知政事除參知政事兼同知樞密院事師點當同 控免上曰卿靖重有守識慮深遠朕欲用卿久矣復詔 宰相奏事退復同樞密周必大進呈上曰適一二事卿 人令人眼明十年除端明殿學士簽書樞密院事入奏 敢言令陛下虚心兼聽若只宰相奏事何用執政為師 否或至面相切責退不相街自秦檜用事執政畏避不 宋史

更之不速即追寢其議樞密周必大舉手賀師照曰使 天下赤子不被其毒者公之賜也一日入對後殿上曰 點復奏臣敢不竭股肱之力上因諭之曰朕欲天下事 民不聊生或謂令已出矣師點曰事有為天下病惟恨 先期行之畫命已下師點矍然曰此策若行上下逼迫 歲終稽考法及是主計臣有喜為督促者乞不待歲終 日往來胸中未曾釋也先是州郡上供或不時以進立 朕前飲氷水過多忽暴下幸即平復師點曰自古人君 卷三百八十五

當無事時快意所為忽其所當戒其後未有不悔者上 火足四華三季 士之賢者俾各疏其所知差次其才行文學每有除授 提舉國朝會要十四年除知極密院事師點機懂搜訪 人才手書置夾袋中謂蜀去朝廷遠人才難以自見蜀 深然之十三年辭兼同知樞密院事權提舉國史院權 師點嘗謂諸子曰吾平生仕宦皆任其升沉初未嘗容 舉臨安府洞霄宮紹與二年除知隆與府江西安撫使 必列陳之十五年春以資政殿大學士知泉州繼除提

有命不在巧圖惟忠孝乃吾事也三年得疾薨年六十 蕭燧字照鄰臨江軍人高祖固皇祐初為廣西轉運使 五卷易説四卷史識五卷文集八卷 果叛父增紹與初當應制舉燧生而類異幼能屬文紹 九贈金紫光禄大夫有奏議七卷制蒙八卷東宫講議 心其間不枉道附麗獨人主知之遂至顯用夫人窮達 知儂知高凶狡條上羈縻之策於樞府不果用智高後 八年權進士高第授平江府觀察推官時秦檜當

有子就舉欲以屬公燧怒曰初仕敢欺心即檜懷之既 とこうランショ 時夢神人示以文書記其一聯云如火烈烈玉石俱焚 國其親黨密告燧秋武必主文漕臺燧詰其故曰丞相 官當擇人不當為人擇官上喜製用人論賜大臣淳熙 在冬青青松栢不改己而果符前事未幾丁憂三十二 前列扶滿當為學官避婚調靜江府察推而歸燧未第 年授靖州教授孝宗初除諸王宫大小學教授輪對論 而被檄秀州至則員盗就院易一員往漕闡秦燒果中 宋史

察官關朝論多屬燧以未歷縣遂除左司諫上諭執政 兵未强財未裕宜卧薪當膽以圖內治若恃小康萌驕 臺耳目多不稱職時官官甘昇之客胡與可都承旨王 除目下外議甚允燧首論辨邪正然後可以治上以外 昨除蕭燧若何龔茂良奏燧純實無華正可任言責聞 二年累遷至國子司業兼權起居舍人進起居郎先是 之時復議進取上以問燧對曰今賢否雜揉風俗洗淳 抃之族叔秬皆持節于外有所依憑無善状燧皆奏罷 金分旦戶人工 卷三百八十五

元日司 三日前 敢論燧獨奏罷之雄果營救復命還任燧再論并及雄 心非臣所知上曰忠言也因勘上正紀綱容直言親君 從之變的李景享食產參政趙雄庇之臺臣謝廓然不 以應數取細民以充軍乞嚴戒諸郡庶得丁壮以為用 帥司招軍燧言所募多市井年少利搞養往往捕農民 姦邪不恤仇怨五年同知貢舉有音下江東西湖南北 權右諫議大夫入謝上曰卿議論鯁切不求名譽糾正 子遠小人近習有勞可賞以禄不可假以權上皆嘉納 氽史 ナと

給奉言恟恟燧急易令且呼卒長告戒悉畏服城中惡 子方雕盗起甲子一周人人憂懼會遂安今股土兵原 嚴地被財置始至官雖不滿二十燧儉以足用二年之 雄密奏燧誤聽景學仇人之言遂下臨安府捕恭州士 間積至十五萬以其美補積通諸邑皆寬先是宣和庚 知嚴州吏部尚書鄭丙侍郎李椿上疏留之上亦尋悔 以風聞不許竟力求去徒刑部侍郎不拜固請補外出 種京等置之獄坐以罪景享復依舊職處乃自劾記

金万匹在人

卷三百八十五

父老遮道幾不得行送出境者以干數發與嚴鄰人熟 炎定四事全年三 兼國子祭酒九年為樞密都承古近例承古以知問門 倉米振之八年召還言江浙再歲水早願下詔求言仍 東西異路不當與然安忍於舊治坐視為請諸朝發太 名非功不予詔燧治郡有勞除數文閣待制移知發州 令諸司通融郡縣財賦毋但督廷除吏部右選侍郎旋 知係教不勞而治歲旱浙西常平司請移栗于嚴燧謂 宋史

少羣擾市燧密籍姓名涅補軍額人以按堵上方嶄職

殿最以聞事多施行慶典需澤丁錢減半亦自燧發之 為名諸路録大辟長吏當親話若死囚数多宜如漢制 思例免試令或竟令注授既却美餘之數今反以出剩 講升侍讀言命令不可數易憲章不可數改初官不許 官兼或怙寵招權上思復用儒臣故命燧以龍圖問待 年兼權吏部尚書上言廣西諸郡民引丁錢之弊兼侍 譽宜察其虚實上稱善除權刑部尚書充金使館伴十 制為之燧言債帥之風未珍羣臣多迎合獻說强辨干 卷三百八十五

霄宮紹照四年卒年七十七諡正肅孝宗每稱其全護 龔茂良字實之與化軍人紹與八年進士第為南安簿 殊可喜達累官至太常 善類誠實不欺手書二十八将傳以賜子達登淳熙十 權監修國史日歷十六年權知極密院以年及自陳上 高宗山陵充按行使除參知政事尋充永思陵禮儀使 留之不可除資政殿學士與郡復請閉提舉臨安府洞 四年進士第唱名第四孝宗曰達才氣甚住父子髙科

やこり事人はす

家史

言本朝禦敵景徳之勝本於能斷靖康之禍在於致疑 職除秘書省正字累遷吏部郎官張浚視師江淮茂良 姦回充斥於是京城大水以至金人犯關今進退一人 邵武司法父母丧哀號梅踊鄰不忍聞調泉州察推以 金げしんだい 廉勤稱改宣教郎以同知樞家院事黃祖舜薦召試館 仰法景徳之斷勿為靖康之疑除監察御史江浙大 韶陳闕失茂良疏曰水至陰也其占為女龍為嬖佞 小人專制崇觀政和小人道長內則檢腐編弄外則 卷三百八十五

心之疾然後政事關失可次第言矣內侍梁珂曾觀龍 忠皆未有益如朝廷舉行亦足少慰忠義之心令施於 節度益清恭茂良諫曰中與名相如趙鼎敷臣如韓世 施行一事命由中出人心譁然指為此輩臣願先去腹 アスノロミー人はあ 有所怒而未釋二人害政甚珂百倍上論以皆潛即舊 珂為可惜竟寢其諡當論大淵觀姦回至是又極言之 曰令積陰弗解溫雨益甚熒惑入斗正當吳分天意若 大淵皆用事故茂良及之遷右正言會內侍李珂沒贈

待罪章再上除太常少卿五辭不拜除直祕閣知建寧 疏言唐德宗謂李泌人言盧犯姦邪朕獨不知何耶泌 金がせんとう 逐于外起茂良廣東提刑就知信州即番山之址建學 府自以不為羣小所容請祠不允上後知二人之姦既 非他近習比且俱有文學敢諫爭未當預外事翌日再 又置番禺南海縣學既成釋真行鄉飲酒以落之城東 曰此其所以為姦邪也令大淵覿所為行道之人能言 '而陛下更頌其賢此臣所以深憂疏入不報即家居 卷三百八十五

次定四重至1 舊有廣惠處中原衣冠沒於南者葬之歲久廢茂良訪 大作命醫治療全活數百萬進待制數文閣賞其收荒 積稅上户止索通發原振瞻以右文殿修撰再任疫癘 歲大旱知茂良精忠以一路荒政付之茂良戒郡縣免 政殿左丞相陳俊卿欲留之右相虞允文不樂會俊卿 之功召對奏演池弄兵之盗即南畝負未之民令諸郡 故地更建海會浮圖敢寄暴露者皆揜藏無遺召對崇 亦罷除直顯謨閔江西運判兼知隆與府上以江西連 宋史

荒田極多願路監司守臣條陳募人從便請耕民有餘栗 **衡等起謝上從容曰自令諸事毋循私若鄉曲親戚且** 事奏事賜坐上顧禁衡及茂良曰兩參政皆公議所與 問國朝典故有自從官徑除執政例明日即拜參知政 未須援引朕每存公道設有誤卿等宜力爭君臣之間 雖驅之為寇亦不從矣除禮部侍郎上亟用茂良手記 オ・ドイレール んご 不可事形迹沒良曰大臣以道事君遇有不可自當啟 沃豈容迹見於外請詔有司判定七司法淮南旱茂良

遽取封極米母乃不可茂良以為淮南咫尺敵境民久 奏取封樁米十四萬委漕帥振濟或謂救荒常平事今 たこりる」とい 被察進上茂良不知也上属聲 日參政決無此茂良遊 謝不復辯葉衡罷上命茂良以首參行相事慶壽禮好 奏通判不法得古下師臣體訪通判茂良鄉人也同列 他日上獎諭曰淮南旱荒民無飢色即之力也湖州守 未復業飢寒所逼萬一嘯聚患害立見寧能計此米乎 密以省吏付棘寺推鞫欲及茂良奏事退同列留身出 宋史

未幾手詔付茂良謂虚名之士恐壞朝廷喜迄不至錢 力馬茂良之以首參行相事也踰再歲上亦不置相因 析俄召良臣赴闕殿殿柄用其後茂良之貶良臣與有 良臣侵盗大軍錢糧累數十萬茂良奏其事手詔令具 恩奏補幾何將何以給宣諭與用廉退茂良奏朱熹操 弊天下若自一命以上軍轉不知月添給奉與來歲郊 行耿介屢召不起宜蒙録用除秘書郎奉小乘問競毀 中外凱恩茂良慨然數曰此當以身任怨不敢愛身以 年ラレシノニ た己の写人です 觀慙退上諭茂良先遣人於觀衝替而後施行茂良批 諭觀往謝茂良正色曰參知政事者朝廷參知政事也 參政能幾時茂良奏臣固不足道所惜者朝廷大體上 入堂道間俾直省官買光祖等當道不避街司叱之曰 孫茂良以文武官各隨本色陰補格法繳進觀因茂良 年正月召史治於四明茂良亦覺眷衰因疾力求去上 諭茂良史官近奏三台星不明蓋實艱其選耳淳熙四 曰朕以經筵召史浩卿不須疑時曾 觀欲以大資禄其 宋史

遂補外茂良力求去上諭曰朕極知卿不敢忘欲保全 御史廓然附曾觀者也中書舍人林光輔繳奏不書黃 古取買光祖華下臨安府**雄之手**詔宣問施行太遠茂 美名置朕何地茂良即奉詔謝廓然賜出身除殿中侍 良待罪上使人宣諭委曲令繳進手詔且謂卿去雖得 手疏恢復六事上曰卿五年不説恢復何故今日及 去俟議恢復卿當再來是日除職與郡令內殿奏事 退朝甚怒曰福建子不可信如此謝廓然因劾之乃 卷三百八十五

祖等罪遂責降安置英州父子卒于貶所觀與原然死 復職上曰茂良本無罪遂復資政殿學士論莊敏茂良 落職放罷尋又論沒良擅權不公矯傳上音朝斷買光 平生不喜言兵去國之日乃言恢復事或謂觀密令人 後茂良家投匭訟宽遂復通奉大夫周必大獨相進呈 たたうまいる 恢復而其意乃極論不可輕舉猶平生素論也深為之 此為罪沒良沒數年朱熹從其子得副本讀之則事雖 就之云若論恢復必再留茂良信之廓然論茂良亦以 宋史

